

I. DISPOSICIÓN XERAIS

MINISTERIO DE FACENDA E ADMINISTRACIÓN PÚBLICAS

- 7391** *Orde HAP/1182/2012, do 31 de maio, pola que se desenvolve a disposición adicional primeira do Real decreto lei 12/2012, do 30 de marzo, polo que se introducen diversas medidas tributarias e administrativas dirixidas á redución do déficit público, se aproban cantas medidas resultan necesarias para o seu cumprimento, así como o modelo 750, declaración tributaria especial, e se regulan as condicións xerais e o procedemento para a súa presentación.*

A disposición adicional primeira do Real decreto lei 12/2012, do 30 de marzo, polo que se introducen diversas medidas tributarias e administrativas dirixidas á redución do déficit público, establece para os contribuíntes do imposto sobre a renda das persoas físicas, imposto sobre sociedades ou imposto sobre a renda de non residentes que sexan titulares de bens ou dereitos que non se correspondan coas rendas declaradas nos ditos impostos, a posibilidade de presentar unha declaración tributaria especial co obxecto de regularizar a súa situación tributaria, sempre que fosen titulares de tales bens ou dereitos con anterioridade á finalización do último período impositivo cuxo prazo de declaración finalizou antes do 31 de marzo de 2012, data de entrada en vigor da citada disposición adicional.

A configuración xurídica da declaración tributaria especial integra elementos propios das autoliquidacións tributarias, sen que poida predicarse dela un axuste total, no que aos seus elementos constitutivos se refire, á regulación que delas contén a Lei 58/2003, do 17 de decembro, xeral tributaria, e os seus efectos xurídicos non son, pola mesma razón, análogos aos que con carácter xeral derivan destas últimas.

En canto ao seu contido, o número 5 da mencionada disposición adicional primeira sinala que o ministro de Facenda e Administracións Públicas aprobará o modelo de declaración, lugar de presentación e ingreso desta, así como cantas outras medidas sexan necesarias para o cumprimento desta disposición adicional.

Con base na dita habilitación legal, esta orde aproba o modelo de presentación da declaración tributaria especial, a forma en que esta se ten que presentar e as disposicións necesarias para a súa aplicación.

En concreto, poderán presentar esta declaración tributaria especial os contribuíntes do imposto sobre a renda das persoas físicas, do imposto sobre sociedades ou do imposto sobre a renda de non residentes que sexan titulares dos bens ou dereitos cuxa titularidade se corresponda con rendas non declaradas, podendo entenderse en determinados supostos que tal condición recae en quen teña a titularidade real, tal e como establece o número 6 da citada disposición adicional primeira incorporado polo Real decreto lei 19/2012, do 25 de maio, de medidas urgentes de liberalización do comercio e de determinados servizos.

Tales bens ou dereitos deberán ter adquirido o declarante, con carácter xeral, nunha data anterior ao 31 de decembro de 2010, e valoraranse polo seu valor de adquisición, salvo no suposto de cantidades depositadas en contas abertas en entidades que se dediquen ao tráfico bancario ou crediticio en que, con carácter xeral, se tomará en consideración o seu importe na citada data.

A presentación da declaración implica o ingreso da contía resultante de aplicar ao importe ou valor de adquisición dos bens ou dereitos regularizados a porcentaxe do 10 por cento, así como a incorporación da información necesaria que permita identificar os citados bens e dereitos.

En todo caso, a declaración tributaria especial terá carácter reservado e deberá presentarse antes do 30 de novembro de 2012.

Na súa virtude e de acordo co Consello de Estado, dispoño:

Artigo 1. *Natureza xurídica da declaración tributaria especial.*

Para efectos do disposto no artigo 119 da Lei 58/2003, do 17 de decembro, xeral tributaria, a declaración tributaria especial establecida na disposición adicional primeira do Real decreto lei 12/2012, do 30 de marzo, polo que se introducen diversas medidas tributarias e administrativas dirixidas á redución do déficit público, constitúe declaración tributaria, sen que a súa presentación teña por finalidade a práctica dunha liquidación tributaria das reguladas nos artigos 101 e 128 e seguintes da Lei 58/2003, do 17 de decembro, xeral tributaria.

A declaración participa da natureza das autoliquidacións tributarias a que se refire o artigo 120 da Lei xeral tributaria sen que esta poida entenderse conducente á autoliquidación dunha obrigación tributaria devindicada con anterioridade.

Artigo 2. *Declarantes.*

1. Poderán presentar a declaración tributaria especial os contribuíntes do imposto sobre a renda das persoas físicas, do imposto sobre sociedades ou do imposto sobre a renda de non residentes que sexan titulares dos bens ou dereitos a que se refire o artigo 3 desta orde.

2. Para os efectos previstos nesta orde, terán a consideración de titulares aqueles que teñan a titularidade xurídica dos bens ou dereitos. Non obstante, cando o titular xurídico do ben ou dereito obxecto da declaración tributaria especial non resida en territorio español e non coincida co titular real, poderase considerar titular este último sempre que chegue a ter a titularidade xurídica dos bens ou dereitos con anterioridade ao 31 de decembro de 2013.

Consideraranse titulares reais as persoas físicas ou entidades que teñan o control dos bens ou dereitos a través de entidades, ou de instrumentos xurídicos ou de persoas xurídicas que administren ou distribúan fondos.

3. O titular real dos bens ou dereitos que se correspondan coas rendas non declaradas non poderá presentar a declaración tributaria especial cando previamente se iniciase un procedemento de comprobación ou investigación respecto del ou do titular xurídico dos ditos bens ou dereitos.

Artigo 3. *Bens ou dereitos obxecto de declaración.*

1. Poderá ser obxecto de declaración tributaria especial calquera ben ou derecho cuxa titularidade se corresponda con rendas non declaradas no imposto sobre a renda das persoas físicas, do imposto sobre sociedades ou do imposto sobre a renda de non residentes.

2. A titularidade dos bens ou dereitos obxecto de declaración deberá ter adquirido o declarante nunha data anterior ao 31 de decembro de 2010, salvo que o período impositivo do declarante non coincida co ano natural, caso en que a titularidade se deberá ter adquirido con anterioridade á finalización do último período impositivo cuxo prazo de declaración finalizase antes do 31 de marzo de 2012.

3. Non obstante o disposto nos números anteriores, non poderán ser obxecto de declaración especial os bens ou dereitos que fosen transmitidos antes do 31 de decembro de 2010, ou da data de finalización do período impositivo a que se refire o número 2 anterior, cando o importe da transmisión se destinase á adquisición doutro ben ou derecho obxecto de declaración.

4. A titularidade dos bens ou dereitos, así como a súa data de adquisición, poderá acreditarse por calquera medio de proba admisible en derecho.

En particular, tratándose de diñeiro en efectivo será suficiente a manifestación, a través do modelo de declaración, de ser titular del con anterioridade ao 31 de decembro de 2010, ou á data de finalización do período impositivo a que se refire o número 2 anterior, sempre que con carácter previo á presentación da declaración tributaria especial se depositase nunha conta cuxa titularidade xurídica corresponda ao declarante aberta

nunha entidade de crédito residente en España, noutro Estado da Unión Europea ou nun Estado integrante do Espazo Económico Europeo que subscríbese un convenio con España para evitar a dobre imposición internacional con cláusula de intercambio de información ou un acordo de intercambio de información en materia tributaria, e non se trate de xurisdicións cualificadas como de alto risco, deficientes ou non cooperativas polo Grupo de Acción Financeira Internacional.

Artigo 4. Importe que se declarará.

1. Os bens ou dereitos obxecto de declaración declararanse polo seu valor de adquisición.

Os bens ou dereitos cuxa titularidade se corresponda parcialmente con rendas declaradas declararanse pola parte do valor de adquisición que corresponda con rendas non declaradas.

2. As cantidades depositadas en contas abertas en entidades que se dediquen ao tráfico bancario ou crediticio declararanse polo importe total do saldo en 31 de decembro de 2010 ou na data de finalización do período impositivo a que se refire o número 2 do artigo 3 desta orde.

Non obstante, poderá declararse o importe total do saldo dunha data anterior cando sexa superior ao existente en 31 de decembro de 2010 ou na data de finalización do período impositivo a que se refire o número 2 do artigo 3 desta orde, sempre que a diferenza entre ambos os importes non se destinase á adquisición doutro ben ou derecho obxecto de declaración.

3. As cantidades de diñeiro en efectivo valoraranse polo importe que se deposite nunha entidade de crédito nos termos previstos no número 4 do artigo 3 anterior.

Artigo 5. Contía que se ingresará.

A contía que se ingresará será o 10 por cento do importe que resulte do establecido no artigo 4 anterior.

Sen prexuízo do sinalado no artigo 1, a contía ingresada terá a consideración de cota do imposto sobre a renda das persoas físicas, do imposto sobre sociedades ou do imposto sobre a renda de non residentes, segundo proceda.

Sobre a contía ingresada non serán exixibles sancións, xuros nin recargas.

Artigo 6. Efectos da declaración tributaria especial.

1. As persoas ou entidades que presenten a declaración tributaria especial e realicen o ingreso correspondente regularizarán a súa situación tributaria respecto do imposto sobre a renda das persoas físicas, do imposto sobre sociedades ou do imposto sobre a renda de non residentes, segundo proceda, co seguinte alcance:

a) Entenderanse regularizadas as rendas non declaradas que non excedan o importe declarado e que correspondan á adquisición dos bens ou dereitos obxecto da declaración especial.

b) O importe declarado terá a consideración de renda declarada para os efectos previstos no artigo 39 da Lei 35/2006, do 28 de novembro, do imposto sobre a renda das persoas físicas e de modificación parcial das leis dos impostos sobre sociedades, sobre a renda de non residentes e sobre o patrimonio, e no artigo 134 do texto refundido da Lei do imposto sobre sociedades, aprobado polo Real decreto lexislativo 4/2004, do 5 de marzo.

2. A presentación da declaración especial e a realización do ingreso correspondente non terá ningún efecto en relación con outros impostos distintos dos citados no número 1 anterior.

Artigo 7. Carácter reservado da declaración tributaria especial.

Conforme o disposto no artigo 95 da Lei 58/2003, do 17 de decembro, os datos relativos á declaración tributaria especial obtidos pola Administración tributaria teñen carácter reservado.

Artigo 8. Aprobación e forma de presentación da declaración tributaria especial.

1. Apróbase o modelo de declaración e o documento de ingreso da declaración tributaria especial a cuxos contidos deberán axustarse os ficheiros electrónicos para a presentación telemática da citada declaración e as súas copias electrónicas. Os ditos modelos consisten en:

a) Modelo 750. Declaración tributaria especial (Real decreto lei 12/2012, do 30 de marzo). Autoliquidación e documento de ingreso, que se reproduce no anexo I desta orde. O número de xustificante que deberá figurar neste documento será un número secuencial cuxos tres primeiros díxitos se corresponderán co código 750.

b) Modelo D-750. Declaración tributaria especial (Real decreto lei 12/2012, do 30 de marzo). Relación de bens e dereitos, que se reproduce no anexo II desta orde.

2. Os mencionados modelos poderán ser presentados polos contribuíntes do imposto sobre a renda das persoas físicas, imposto sobre sociedades ou imposto sobre a renda de non residentes a que se refire o artigo 2 desta orde.

3. Os citados modelos estarán disponibles exclusivamente en formato electrónico e a súa presentación e ingreso realizaranse por vía telemática, de acordo coas condicións xerais e o procedemento establecido nos artigos 9 e 10 e dentro do prazo sinalado no artigo 11 desta orde.

Artigo 9. Condicións xerais para a presentación telemática da declaración tributaria especial.

1. A presentación da declaración tributaria especial por vía telemática a través da internet poderá ser efectuada ben polo propio declarante ben por un terceiro que actúe na súa representación, de acordo co establecido nos artigos 79 a 81, ambos inclusive, do Real decreto 1065/2007, do 27 de xullo, polo que se aproba o Regulamento xeral das actuacións e dos procedementos de xestión e inspección tributaria e de desenvolvemento das normas comúns dos procedementos de aplicación dos tributos, e na Orde HAC/1398/2003, do 27 de maio, pola que se establecen os supostos e condicións en que se poderá facer efectiva a colaboración social na xestión dos tributos, e se estende esta expresamente á presentación telemática de determinados modelos de declaración e outros documentos tributarios.

2. A presentación telemática estará suxeita ás seguintes condicións:

a) O declarante deberá dispor de número de identificación fiscal (NIF) e estar identificado no Censo de obrigados tributarios con carácter previo á presentación do modelo de autoliquidación.

b) O declarante deberá ter instalado no navegador un certificado electrónico X.509.V3 expedido pola Fábrica Nacional de Moeda e Timbre-Real Casa da Moeda ou calquera outro certificado electrónico admitido pola Axencia Estatal de Administración Tributaria previamente instalado no navegador para tal efecto, de acordo co previsto na Orde HAC/1181/2003, do 12 de maio, pola que se establecen normas específicas sobre o uso da sinatura electrónica nas relacións tributarias por medios electrónicos, informáticos e telemáticos coa Axencia Estatal de Administración Tributaria.

Se a presentación telemática vai ser realizada por unha persoa ou entidade autorizada para presentar declaracions en representación de terceiras persoas, será esta persoa ou entidade autorizada quen deberá ter instalado no navegador o seu certificado.

c) Para efectuar a presentación telemática, o declarante ou, se é o caso, o presentador deberá cubrir e transmitir os datos do formulario, axustado ao modelo 750,

que estará dispoñible na sede electrónica da Axencia Estatal de Administración Tributaria na internet, enderezo electrónico <https://www.agenciatributaria.gob.es>.

3. Naqueles casos en que se detecten anomalías de tipo formal na transmisión telemática de declaracóns, esta circunstancia poraa en coñecemento do presentador da declaración o propio sistema mediante as correspondentes mensaxes de erro, para que proceda á súa reparación.

4. A transmisión telemática do citado modelo deberá realizarse na mesma data en que teña lugar o ingreso resultante del. Non obstante o anterior, no caso de que existan dificultades técnicas que impidan efectuar a transmisión telemática da declaración na mesma data do ingreso, poderá realizarse a dita transmisión telemática ata o segundo día hábil seguinte ao do ingreso. Isto non suporá, en ningún caso, que queden alterados os prazos de declaración e ingreso previstos no artigo 11 desta orde.

5. O contribuínte poderá presentar por vía telemática a través da sede electrónica da Axencia Estatal de Administración Tributaria, no enderezo electrónico <https://www.agenciatributaria.gob.es>, de acordo co procedemento establecido no número 3 do artigo 10 desta orde e no mesmo prazo de presentación da declaración, aquela documentación adicional que considere conveniente para apoiar os datos das diferentes partidas da declaración.

Artigo 10. Procedemento para a presentación telemática pola internet da declaración tributaria especial.

1. O procedemento que se seguirá para a presentación telemática será o seguinte:

a) O declarante ou presentador porase en contacto coa entidade de crédito que actúa como colaboradora na xestión recadatoria (bancos, caixas de aforro ou cooperativas de crédito) por vía telemática, de forma directa ou a través da Axencia Estatal de Administración Tributaria ou ben acudindo ás súas oficinas, para efectuar o ingreso correspondente e facilitar os seguintes datos:

NIF do declarante (9 caracteres).

Exercicio fiscal (12= 2 últimos díxitos do ano de presentación).

Período: 2 caracteres: «0A» (cero A).

Documento de ingreso: declaración tributaria especial = 750.

Tipo de autoliquidación = «I» ingreso.

Importe que se vai ingresar (deberá ser maior que cero e expresado en euros).

A entidade colaboradora, unha vez realizado o ingreso, asignará un número de referencia completo (NRC) que xerará informaticamente mediante un sistema criptográfico que relate a forma unívoca o NRC co importe ingresado.

Ao mesmo tempo, remitirá ou entregará, segundo a forma de transmisión dos datos, un recibo que conterá, como mínimo, os datos sinalados no artigo 3.3 da Orde EHA/2027/2007, do 28 de xuño, pola que se desenvolve parcialmente o Real decreto 939/2005, do 29 de xullo, polo que se aproba o Regulamento xeral de recadación, en relación coas entidades de crédito que prestan o servizo de colaboración na xestión recadatoria da Axencia Estatal de Administración Tributaria.

Para realizar o pagamento pola internet a través da Axencia Estatal de Administración Tributaria e obter o NRC, o declarante ou presentador deberá conectarse coa sede electrónica da Axencia Estatal de Administración Tributaria na internet no enderezo <https://www.agenciatributaria.gob.es>, utilizando a súa sinatura electrónica e, dentro da opción de pagamento de impostos-autoliquidacións, seleccionar un dos medios de pagamento ofrecidos (pagamento mediante cargo na conta ou pagamento con tarxeta).

b) O declarante ou, se é o caso, o presentador, unha vez realizada a operación anterior, conectarase a través da internet coa citada sede electrónica da Axencia Estatal de Administración Tributaria e seleccionará, dentro da presentación de declaracóns, a

declaración que vai transmitir (modelo 750), e introducirá o NRC subministrado pola entidade colaboradora.

c) A continuación procederá a transmitir a declaración coa sinatura electrónica xerada ao seleccionar o certificado previamente instalado no navegador para tal efecto.

Se o presentador é unha persoa ou entidade autorizada a presentar declaracions en representación de terceiras persoas, requirirase unha única sinatura, a correspondente ao seu certificado.

d) Se a declaración é aceptada, a Axencia Estatal de Administración Tributaria devolverá en pantalla os datos da declaración con resultado a ingresar validados cun código seguro de verificación de 16 caracteres, ademais da data e da hora de presentación.

2. No suposto de que a presentación sexa rexeitada, mostrarse na pantalla unha mensaxe coa descripción dos erros detectados. Neste caso, deberase proceder a solucionalos no formulario de entrada, ou repetindo a presentación se o erro fose orixinado por outro motivo.

3. Cando os contribuíntes xunten á declaración calquera documentación adicional que xustifique ou aclare os datos da declaración presentada, en especial os relativos á identificación dos bens e dereitos, á súa titularidade e demais circunstancias relevantes, esta presentarase no Rexistro Electrónico da Axencia Estatal de Administración Tributaria, de acordo co establecido na Resolución do 28 de decembro de 2009, da Presidencia da Axencia Estatal de Administración Tributaria, pola que se crea a sede electrónica e se regulan os rexistros electrónicos da Axencia Estatal de Administración Tributaria, para o cal o declarante ou presentador deberá conectarse á sede electrónica da Axencia Estatal de Administración Tributaria na internet, enderezo electrónico <https://www.agenciatributaria.gob.es> e, dentro da opción de impostos a través de procedementos, servizos e trámites (información e rexistro), seleccionar o concepto fiscal oportuno e o trámite de inclusión de documentación complementaria que corresponda segundo o procedemento asignado aos distintos modelos de declaración e autoliquidación.

4. O declarante ou presentador deberá conservar a declaración aceptada e o documento de ingreso debidamente validados co correspondente código seguro de verificación.

Artigo 11. Prazo de presentación e ingreso da declaración tributaria especial.

O prazo de presentación e ingreso da declaración tributaria especial, tanto da declaración inicial como, se é o caso, das complementarias que poidan efectuarse, finalizará o 30 de novembro de 2012.

Disposición derradeira primeira. *Modificación da Orde EHA/2027/2007, do 28 de xuño, pola que se desenvolve parcialmente o Real decreto 939/2005, do 29 de xullo, polo que se aproba o Regulamento xeral de recadación, en relación coas entidades de crédito que prestan o servizo de colaboración na xestión recadatoria da Axencia Estatal de Administración Tributaria.*

A Orde EHA/2027/2007, do 28 de xuño, pola que se desenvolve parcialmente o Real decreto 939/2005, do 29 de xullo, polo que se aproba o Regulamento xeral de recadación, en relación coas entidades de crédito que prestan o servizo de colaboración na xestión recadatoria da Axencia Estatal de Administración Tributaria, queda modificada como segue:

1. No anexo I, código 021 autoliquidacións, inclúese o seguinte modelo de autoliquidación:

Código de modelo: 750.

Denominación: declaración tributaria especial (disposición adicional primeira do Real decreto lei 12/2012, do 30 de marzo)

Período de ingreso: 0A.

Disposición derradeira segunda. *Entrada en vigor.*

Esta orde entrará en vigor o mesmo día da súa publicación no «Boletín Oficial del Estado».

Madrid, 31 de maio de 2012.—O ministro de Facenda e Administracións Públicas, Cristóbal Montoro Romero.

ANEXO I



Axencia Tributaria
Teléfono: 901 33 55 33
www.agenciatributaria.es

Declaración tributaria especial
(Real decreto lei 12/2012, do 30 de marzo)
Autoliquidación e documento de ingreso

Modelo
750

Declarante	Número de identificación fiscal (NIF).....	<input type="text"/>	Exercicio	2 0 1 2	Período.....	0 A
	Pessoas físicas: Primeiro apellido	<input type="text"/>	Número de xustificante: <input type="text"/> Espazo reservado para o número de xustificante			
	Segundo apellido	<input type="text"/>				
	Nome	<input type="text"/>				
	Pessoas xurídicas e demás entidades: Razón social ou denominación	<input type="text"/>				

Autoliquidación	Importes consignados nos recadros de igual numeración da relación de bens e dereitos (modelo D-750):	
	1. Bens inmobilios.....	<input type="text"/> 10
	2. Bens e dereitos afectos a actividades económicas, agás inmobiliarios.....	<input type="text"/> 20
	3. Depósitos en conta corrente ou de aforro, á vista ou a prazo, contas financeiras e outros tipos de imposicións en contas	<input type="text"/> 30
	4. Valores representativos da cesión a terceiros de capitais propios	<input type="text"/> 40
	5. Valores representativos da participación nos fondos propios de calquera tipo de entidade	<input type="text"/> 50
	6. Efectivo.....	<input type="text"/> 60
	7. Restantes bens e dereitos	<input type="text"/> 70
Total importe ou valor de adquisición dos bens e dereitos (<input type="text"/> 10 + <input type="text"/> 20 + <input type="text"/> 30 + <input type="text"/> 40 + <input type="text"/> 50 + <input type="text"/> 60 + <input type="text"/> 70)	<input type="text"/> 80	
Cota que se vai ingresar (o 10 por 100 da cantidad consignada no recadro <input type="text"/> 80)	<input type="text"/> 90	

Complementaria	No caso de declaración complementaria, indíquelo consignando un "X" no recadro que figura a seguir e faga constar o número de 13 díxitos identificativo da declaración anteriormente presentada ou da última delas, se se presentaron varias.	
	Declaración complementaria	<input type="checkbox"/>
	Número identificativo da declaración anterior	<input type="text"/>

Ingreso	Ingreso efectuado a favor do Tesouro Público: conta restrinxida de colaboración na recadación da Axencia Estatal de Administración Tributaria de autoliquidacións.	
	Importe (recadro <input type="text"/> 90)	<input type="text"/> I
	Forma de pagamento da cantidad consignada no recadro I:	
	CARGO EN CONTA CON OBTENCIÓN DE N.R.C.	<input checked="" type="checkbox"/>
NÚMERO DE REFERENCIA COMPLETO (N.R.C.)	<input type="text"/>	

ANEXO =

Declaración tributaria especial (Real decreto lei 12/2012, do 30 do marzo). Relación de bens e dereitos	
Páxina 1	
Modelo D-750	
Declarante	NIF
Apelidos e nome ou razón social ou denominación	

Declaración tributaria especial [Real decreto 112/2012, de 30 de marzo]. Relación de bienes e derechos

(*) Para identificar o tipo de bien inmoble, utilizaranse as siguientes claves: 1: inmuebles urbanos; 2: inmuebles rústicos.

(***) Iai gerimmo o tipo de encontro, unir-se a seguidores claves. 1- coincidentes a titularidade viridiana e a titularidade real; 2- non coincidentes a titularidade viridiana e a titularidade real.

- (*) Utilizaránse los códigos ISO de dos dígitos alfabéticos que corresponden a países y territorios (BOE de 26 de diciembre de 2011).

2 Bens e dereitos afectos a actividades económicas excepto inmuebles

Total bens e direitos afectos a actividades económicas, agás immóveis

[**] Considerarase o código ISO de dous díxitos alfabéticos que corresponda ao país ou territorio de que se trate, de acordo coa relación incluída no anexo II da Orde EHA/3496/2011, do 15 de decembro, pola que se aproba a declaración de residencia fiscal para os efectos de aplicar a excepción de comunicar o número de

Identificación fiscal para las operaciones con entidades de crédito, así como a la relación de códigos de países e territorios (BOE do 26 de diciembre de 2011).

Modelo D-750	Declarante <input type="checkbox"/> NIF	Apelidos e nome ou razón social ou denominación	Páxina 2
Declaración tributaria especial (Real decreto lei 12/2012, do 30 de marzo). Relación de bens e dereitos			

Declaración tributaria especial (Real decreto lei 12/2012, do 30 de marzo). Relación de bens e dereitos

(*) Utilizan-se as seguintes claves: 1: coinciden a titularidade xurídica e a titularidade real; 2: non coinciden a titularidade xurídica e a titularidade real. **Importante:** esta clave cubrirase exclusivamente nos supostos en que o titular xurídico non resida en territorio español.

(**) Considerarase o código ISO de dous díxitos alfabéticos que corresponda ao país ou territorio de que se trate de acordo coa relación incluída no anexo I da Orde EHA/3456/2011, do 15 de decembro, pola que se aproba a declaración de residencia fiscal para os efectos de aplicar a excepción de comunicar o número de

Utilizan-se as seguintes claves:

- 1:** coinciden a titularidade xurídica e a titularidade real;
- 2:** non coinciden a titularidade xurídica e a titularidade real.

Importante: esta clave cubrerase exclusivamente nos supostos en que o titular xurídico non residía en territorio español.

(*) Consignar o código ISO de dous díxitos alfabéticos que corresponda ao país ou territorio de que se trate, de acordo coa relación incluída no anexo I da Orde E/H/3496/2011, do 15 de decembro, pola que se aprueba a declaración de residencia fiscal para os efectos fiscais.

(**) Consignar o código ISO de dous díxitos alfabéticos que corresponda ao país ou territorio de que se trate, de acordo coa relación incluída no anexo I da Orde E/H/3496/2011, do 15 de decembro, pola que se aprueba a declaración de residencia fiscal para os efectos fiscais.

Total valores representativos da cesión a terceiros de capitais próprios	40
---	-----------

Modelo D-750	Declarante <input type="checkbox"/> NIF	Apellido(s) e nome ou razón social ou denominación
Declaración tributaria especial (Real decreto lei 12/2012, do 30 de marzo). Relación de bens e dereitos		
Páxina 3		

Declaración tributaria especial (Real decreto 112/2012, do 30 de marzo). Relación de bens e dereitos

Total valores representativos da participação nos fundos próprios de calouros tipo de entidade

Ullazanxe as seguintes claves: 1: coinciden a titularidade xurídica e a titularidade real; 2: non coinciden a titularidade xurídica e a titularidade real. **Importante:** esta clave cubrirase exclusivamente nos supostos en que o titular xurídico non resida en territorio estranxe.

Utilízase as seguintes claves: 1: acciones e participacións representativas do capital ou patrimonio de institucións de investimento colectivo ou Consignáronse o código ISO de dous díxitos alfabéticos que corresponda ao país ou territorio de que se trate, de acordo coa relación incluída no

Effective

Total restantes bens e direitos..... 60

Modelo 0-750	Declarante	NIF	
Declaración tributaria especial (Real decreto leí 12/2012, do 30 de marzo). Relación de bens e dereitos			
<input type="checkbox"/> Apellidos e nome ou razón social ou denominación			

Declaración tributaria especial (Real decreto lei 12/2012, do 30 de marzo). Relación de bens e dereitos

Utilizanrás as seguintes claves: 1: coinciden a titularidade xurídica e a titularidade real; 2: non coinciden a titularidade xurídica e a titularidade real. **Importante:** testa clave cubrirase exclusivamente nos supostos en que o titular xurídico non resida en territorio español.

(*) Utilizanrás as seguintes claves: 1: operacións de seguro ou capitalización; 2: Vehículos, embarcacións e aeronaos; 3: outros, incluídos os derechos reais de uso e disfrute sobre elementos patrimoniais.

(**) Utilizanrás o código ISO de dous díxitos que corresponda ao país o territorio de que se trate, de acordo coa relación incluída no anexo II da Orde EHA/3496/2011, do 15 de decembro, pola que se aprueba a declaración de residencia fiscal para os efectos de aplicar a excepción de comunicar o número de identificación fiscal nas comunícacioneas con entidades de crédito, así como a relación de codigos das aeronaves e barcos.

(***) Utilizanrás o código ISO de dous díxitos que corresponda ao país o territorio de que se trate, de acuerdo coa relación incluída no anexo II da Orde EHA/3496/2011, do 15 de decembro, pola que se aprueba a declaración de residencia fiscal para os efectos de aplicar a excepción de comunicar o número de identificación fiscal nas comunícacioneas con entidades de crédito, así como a relación de codigos das aeronaves e barcos.